

၂ တိမောသေ

တိမောသေဆေဟုံ ပေါလုရဲ့

ဒုတိယပေးစာ

နိဒါန်း

တိမောသေဆေဟုံ ပေါလုရဲ့ ဒုတိယပေးစာ ဟု တမန်တော် ပေါလုမှ သူရဲ့ တဘွဲ့ တိမောသေဆေဟုံ ဒုတိယပေးစာ ဖြစ်အယ်။ တိမောသေ ဒုတိယပေးစာဟု ပေါလုရဲ့ ဖဝါနောက်ဆုံးချိန်တွင် ရေးထားခဲ့အယ်။ အဲအချိန် (၁.၁၆) နှိုက် ရောမမြို့တွင် အကျဉ်းချခံခဲ့ရအယ်။ ပေါလုဟု တိမောသေနဲ့ ရင်းနှီးသော ဆက်ဆံရေးဆိပင်း သူ့ဟို သားတယောက်အဖြစ် မကြာခဏ ရည်ညွှန်းအယ် (ဖိ ၂.၂၂; ၁ တိ ၁.၂; ၁.၁၈)။

ဟေဟာဟ အသင်းတော်တခုအစား လူတယောက်ဆေ ပေးပို့သော ပေါလုဆေမှ စာလေးစောင်အနက်မှ တစောင် ဖြစ်အယ်။ အခြားစာသုံးစောင်မှာ တိမောသေ ပထမစောင်၊ တိတုနဲ့ ဖိလေမုန်လို့ ဖြစ်အယ်။ တိမောသေ ဒုတိယစောင်ဟို ရေးထားစဉ်တွင် ရောမအင်ပါယာဆီ ခရစ်ယာန်များဟု ညှဉ်းပန်းနှိပ်စက်ခြင်းဟို ခံခဲ့ရအယ်။ ပေါလုဟု အကျဉ်းချခံတာဟို လည်းကောင်း၊ သူဟု တိမောသေအား အခက်ခဲများဟို သည်းခံရန် ညွှန်ကြားထား

တာဟို လည်းကောင်း၊ ဟေစာစောင်နှိုက် ဖော်ပြထားခြင်းအကျောန်း ဖြစ်နိုင်အယ်။ တိမောသေ ပထမပေးစာနှိုက် ပါဆိလဲ့အတိုင်း ဟေပေးစာနှိုက်လည်း ပေါလုဟ တိမောသေအား မားယွင်းသော ဆရာများအကျောန်း သတိပေးချက်များစွာ ပေးအယ် (၁ တိ ၁.၁၆-၁၈)။ ဆွေတွင် ခက်ခဲသော အချိန်များဆီမယ်ဟုလည်း တိမောသေအား သူပြောပြအယ် (၃.၁)။

အကျောန်းအရာ အကျဉ်းချုပ်

၁။ ပေါလုဟ တိမောသေဟို နှုတ်ဆက်ခြင်းဖြင့် စတင်အယ် (၁.၁-၂) ပင်းနောက် သူ့ဟို အားပေးအယ် (၁.၃-၁၈)

၂။ အဲပင်းရင်၊ ခံနိုင်ရည်ဆီဖို့ တိမောသေဟို စိန်ခေါ်အယ် (၂.၁-၁၃)

၃။ အဲပင်းနောက်၊ အထွေထွေ ညွှန်ကြားချက်အချို့ဟို ပေးအယ် (၂.၁၄-၂၆)

၄။ အဲပင်းရင်၊ အနာဂတ် ဖြစ်ရပ်များနဲ့ မန်ကန်စွာ တုံ့ပြန်ရန် နည်းလမ်းများအကျောန်း သူ့ဟို သတိပေးအယ် (၃.၁-၄.၈)

၅။ ပေါလုဟ တိမောသေအတွက် ကိုယ်ရေးကိုယ်တာ မှတ်ချက်အချို့ဖြင့် အပီးသတ်ခဲ့အယ် (၄.၉-၂၂)

¹ ခရစ်တော် ယေရှုနှိုက် တည်ဆဲသော အသက်နဲ့ ဆိုင်လဲ့ ကတိတော်အတိုင်း ဘုရားသခင်ရဲ့ အလိုတော်

အားဖြင့် ခရစ်တော် ယေရှုရဲ့ တမန်တော်ဖြစ်သော ငါ ပေါလုဟ —

² ငါရဲ့ ချစ်သော တိမောသေဆေဟို စာရေးလိုက် အယ်၊

နင်ဟ ခမည်းတော် ဘုရားသခင်နဲ့ ငါလို့ သခင် ခရစ်တော် ယေရှုဆေမှ ကျေးဇူးတော်၊ ကရုဏာတော်နဲ့ ငြိမ်သက်ခြင်းဟို ခံစားရစေမန့်။

ကျေးဇူးတော် ချီးမွန်းခြင်းနဲ့ ခွန်အားပေးခြင်း

³ ငါဟ နေ့ညမပြတ် ဆုတောင်းရာတွင် နင့်အား အစဉ် ပင် အောက်မေ့သတိရလျက် ဘုရားသခင်ရဲ့ ကျေးဇူးတော်ဟို ချီးမွန်းအယ်၊ ငါ့ရဲ့ ဘိုးဘေးများတိုင်းတိုင်း ကိုယ်တော်ရဲ့ အစေဟို စင်ကြယ်သော အသိစိတ်နဲ့ ဆောင်ရွက်သူ ဖြစ်အယ်။

⁴ ငါဟ နင်ရဲ့ မျက်ရည်များဟို အောက်မေ့သဖြင့် ဝမ်းမြောက်ခြင်းနဲ့ ပြေငမ့်အကျောန်း နင်နဲ့ တွေ့နိုင်ရန် တောင့်တနေအယ်။

⁵ နင်နှိုက်ဆီလဲ့ ဟန်ဆောင်မှုကင်းသော ယုံကြည်ခြင်း ဟိုလည်း ငါ သတိရအယ်၊ အဲယုံကြည်ခြင်းဟ နင်ရဲ့ မိအို လောကနဲ့ နင်ရဲ့ အမေ ဥနိတ်လို့နှိုက် ဦးရင် တည်ဆီယွေ အခု နင်နှိုက်လည်း တည်ဆီတာဟ ငါ ယုံကြည်စိတ်ချ အယ်။

၆ အဲကျောန်န့် နှင့်အပေါ် ငါလက်တင်သောအားဖြင့် နင်ရ ဆိသော ဘုရားသခင်ရဲ့ ဆုကျေးဇူးတို့ ပြန်လည်နှိုးဆော် ရန် နှင့်တို့ ငါ သတိပေးအယ်။

၇ အကျောန်းမှာ ဘုရားသခင်ဟ ငါလို့အား ကြောက် တတ်သော ဝိညာဉ်တို့ ပေးတာ မဟုတ်ဘဲ တန်ခိုး၊ ချစ် ခြင်းမေတ္တာ၊ မိမိတတ်တိုင်း ချုပ်တည်းခြင်းလို့နဲ့ဆိုင်သော ဝိညာဉ်တို့ ပေးသောကျောန်န့် ဖြစ်အယ်။

၈ အဲ ကျော န် ငါ လို့ ရဲ့ သခင်ဘုရား အ ကျော န်း သက်သေခံတာတို့ လည်းကောင်း၊ ငါဟ ကိုယ်တော် အတွက် အကျဉ်းသား ဖြစ်တာတို့ လည်းကောင်း၊ ဆု က်ကြောက်ခြင်း မဆိဘဲ ဘုရားသခင်ရဲ့ တန်ခိုးတော် အားဖြင့် ကောင်းမြတ်သော သတင်းကောင်းအတွက် ငါ နဲ့အတူ ဆင်းရဲဒုက္ခတို့ ခံလော့။

၉ ဘုရားသခင်ဟ ငါလို့တို့ ကယ်တင်ယွေ သန့်ဆွင်း သော ခေါ်ယူခြင်းဖြင့် ငါလို့တို့ ခေါ်ယူတာဟ ငါလို့ပြုသော အမှုများကျောန်န့် မဟုတ်ဘဲ ကိုယ်တော်ရဲ့ အကြံအစည် ကျောန်န့် ဖြစ်ပင်း ဆွေကာလများ မတိုင်မီဟပင် ခရစ်တော် ယေရှုအားဖြင့် ငါလို့အား ပေးသော ကျေးဇူးတော်ကျောန်န့် ဖြစ်အယ်။

၁၀ အဲ ကျေးဇူး တော် ဟ ငါ လို့ ရဲ့ ကယ် တင် ဆွင် ခရစ်တော် ယေရှု ပေါ်ထွန်း ခြင်းအားဖြင့် အခု ထင် ဆွားလေပီ၊ ခရစ်တော်ဟ သေခြင်းတို့ ပယ်ဖျက်ယွေ အသက်နဲ့တကွ ဖောက်ပြန်ခြင်းနဲ့ ကင်းသောအရာလို့တို့

သတင်းကောင်းအားဖြင့် အလင်းဟို ယူဆောင်လေအယ်။

11 ငါဟ အဲသတင်းကောင်း အတွက် ဟောပြော သူ၊ တမန်တော် အဖြစ် နှိုက် လည်းကောင်း နဲ့ ဆရာ အဖြစ် လည်းကောင်း ခန့်အပ်ထားခြင်း ခံရအယ်။

12 အဲအကျောန်းကျောန့် ငါဟ ဟေဒုက္ခဝေဒနာများ ဟိုလည်း ခံစားနေရအယ်။ အားပေမဲ့ ငါဟ ဆွဲ ကြောက်ခြင်း မဆီ၊ အကျောန်းမှာ ငါဟ မိမိယုံကြည်သော သခင်ဟို သိယွေ ကိုယ်တော်ဆေနှိုက် ငါအပ်ထားသော အရာ* ဟို အနေရက်တိုင်အောက် ကိုယ်တော်စောင့်ထိန်းနိန် တာဟု ငါ ယုံကြည်စိတ်ချအယ်။

13 နင်ဟ ခရစ်တော် ယေရှုပေါ်နှိုက် ဆီသော ယုံကြည် ခြင်းနဲ့ ချစ်ခြင်းမေတ္တာလို့ဖြင့် ငါ့ဆေမှ ကြားနာရသော မန်ကန်ပြေစုံလဲ့ တရားစကားများဟို စံနမူအဖြစ် စွဲလမ်း လော့။

14 နင်နှိုက် အပ်ထားလဲ့ ကောင်းမြတ်သောအရာဟို ငါ လို့နှိုက် ကိန်းဝပ်လဲ့ သန့်ဆွင်းသော ဝိညာဉ်တော် တန်ခိုး အားဖြင့် စောင့်ဆောက်လော့။

15 နင်သိ ဆီလဲ့အတိုင်း အာရုံ ပြေနှိုက် ဆီသော သူ အားလုံးလို့ဟ ငါ့ဟို စွန့်ပယ်ကြပီ၊ အဲသူလို့တွင် ဖုဂေလနဲ့ ဟေရမောဂင်လို့လည်း ပါအယ်။

16 သခင်ဘုရားဟ ဩနေသိဖော်ရဲ့ မိသားစုအပေါ် ကရုဏာ သက်ရောက်စေမန့်၊ ပစာကို သူဟ ငါ့ဟို

1:11 ၁ တိ ၂.၇ * 1:12 ကိုယ်တော်ဆေနှိုက် ငါအပ်ထားသောအရာ၊ အဲဟာမဟုတ်ရင် ငါ သူ့ဟို အပ်ထားလဲ့အရာ။

အကြိမ်ကြိမ် နှစ်သိမ့်လန်းဆန်းစေပင်း သံကြိုးဖြင့် ငါ
တုတ်ချေထားခြင်း ခံရတာဟို ဆုက်ကြောက်ခြင်း မဆံ
ဘဲ

¹⁷ ရောမမြို့ဟို သူရောက်စဉ်ဟ ငါ့ဟို ကြိုးစားပမ်းစား
ဆွာယွေ့ ငါနဲ့တွေ့ခဲ့အယ်။

¹⁸ အဲနေ့ရက်နှိုက် သခင်ဘုရားဆေမှ ကရုဏာတော်
ခံစားရသောအခွင့်ဟို သခင်ဘုရားဟ သူ့အား ပေးမန့်စေ၊
ဖေကံမြို့နှိုက် ဆီစဉ်ဟလည်း သူဟ ငါ့ဟို စလောက်
လုပ်ကျွေးပြုစုခဲ့တာဟို နင်ကောင်းစွာ သိအယ်။

2

ခရစ်တော် ယေရှုရဲ့ သစ္စာဆီသော စစ်သူရဲ

¹ အဲလိုမို့ ငါ့သား၊ နင်ဟ ခရစ်တော် ယေရှုနှိုက်ဆီသော
ကျေးဇူးတော်အားဖြင့် ခွန်အားနဲ့ ပြေစုံလော့။

² ရမ်းဆွဲသော သက်သေလိုဆွဲနှိုက် ငါဆေမှ ကြားနာ
ရသောအရာလို့ဟို အခြားသူလို့အား သင်ကြားပေးနိန်စွမ်း
ဆီလဲ့ သစ္စာဆီသောသူလို့နှိုက် ပေးအပ်လော့။

³ ခရစ်တော် ယေရှုရဲ့ စစ်သူရဲကောင်း တယောက်လို ငါ
နဲ့အတူ ဆင်းရဲဒုက္ခဟို ခံလော့။

⁴ စစ်မှုထမ်းသောသူတယောက်ဟ စစ်သူရဲအရာနှိုက်
မိမိဟို ခန့်ထားသောသူအား နှစ်သက်စေရန် လောကီရေး
ရာနဲ့ ပတ်သက်ရှုပ်ထွေးခြင်းဟို ပယ်ဆွားတတ်အယ်။

5 စသူမဆို အားကစားပြိုင်ပွဲဟို ယှဉ်ပြိုင်သောအခါ စည်းမျဉ်းစည်းကမ်းနဲ့အညီ မယှဉ်ပြိုင်ပါဟ သရဖူဟို ရ မယ် မဟုတ်။

6 ပင်ပန်းစွာ အလုပ်လုပ်ခဲ့သော လယ်သမားဟ သီးနှံ ဟို ဦးရင် ခံစားရသင့်အယ်။

7 ငါပြောဆိုသောအရာဟို ဆင်ခြင်လော့၊ ပစာကို အဲ အရာဟို နားလည်စေရန် သခင်ဘုရားဟ နင့်အား ကူညီ လိမ့်မယ်။

8 ငါဟောပြောသော သတင်းကောင်းအရ ဒါဝိဒ်မင်းမှ ဆင်းသက်ယွေ့သေခြင်းမှ ဆွတ်ပြန်ထမြောက်သော ယေရှု ခရစ်တော်ဟို သတိရလော့။

9 ငါဟ ဟေသတင်းကောင်းအတွက် ရာဇဝတ်သားလို တုတ်ချေခြင်း ခံရလဲတိုင်အောင် ဆင်းရဲဒုက္ခဟို ခံရအယ်။ အားပေမဲ့ ဘုရားသခင်ရဲ့ နှုတ်ကပတ်တော်ဟ တုတ်ချေ ခြင်း ခံရတာ မဟုတ်။

10 အဲကျောနဲ့ ငါဟ ဘုရားသခင် ရွေးကောက်သော လူစု တော်ရဲ့အတွက် စလို ဒုက္ခဆင်းရဲဟို မဆိုခံအယ်၊ ဟေလို ခံခြင်းမှာ သူ့လို့ဟလည်း ထာဝရ ဘုန်းအသရေနဲ့တကွ ယေရှု ခရစ်တော်အားဖြင့် ကယ်တင်ခြင်းဟို ခံရစေရန် ဖြစ်အယ်။

11 ဟေစကားဟ သစ္စာစကား ဖြစ်အယ်။

“ငါလို့ဟ ကိုယ်တော်နဲ့အတူ သေရင်

ကိုယ်တော်နဲ့အတူ အသက်ဆွင်လိမ့်မယ်။

12 ငါလို့ဟ သည်းခံရင်

ကိုယ်တော်နဲ့အတူ စိုးစံလိမ့်မယ်။

ငါလို့ဟ ကိုယ်တော်အား စွန့်ပယ်ရင်

ကိုယ်တော်ဟ ငါလို့အား စွန့်ပယ်လိမ့်မယ်။

13 ငါလို့ဟ သစ္စာမဆီရင်လည်း

ကိုယ်တော်ရဲ့ သစ္စာတော်ဟ တည်မြဲအယ်၊

ပစ္စာကို ကိုယ်တော်ဟ မိမိတတ်တိုင်းဟို မငြင်းပယ်နိ
န့်သောကျောနဲ့ ဖြစ်အယ်။”

ဘုရားသခင် နှစ်သက်သော လုပ်သားကောင်း

14 ဟေအကျောန်းအရာများဟို သူလို့အား သတိပေး
နှိုးဆော်လော့၊ စလိုအကျိုးမျှ မဆိဘဲ ကြားနာသောသူလို့
ဟို ပျက်စီးစေလဲ့ စကားလုံး အသုံးအနှုန်းအပေါ် ငြင်းခုံ
ခြင်းဟို မပြုကြရန် ဘုရားသခင် ဆွေနှိုက် သူလို့ဟို
အလေးအနက် တိုက်တွန်းလော့။

15 နင်ဟ ဘုရားသခင်ဆွေနှိုက် ယုံကြည်စိတ်ချရသူ
တည်းဟူသော သမ္မာတရားရဲ့ နှုတ်ကပတ်တော်ဟို မန်
ကန်စွာ ပိုင်းခြားတတ်လဲ့ ဆက်ကြောက်စရာ မဆိသောသူ
အဖြစ် မိမိတတ်တိုင်း ဆက်သနိန်ရန် ကြိုးစားလော့။

16 တရားမဲ့ဖြစ်သော အလကားကားစကားဟို ဆောင်
လော့၊ အကျောန်းမှာ အဲစကားဟ မတရားသောအမှုလို့ဟို
ပွားများစေလိမ့်မယ်။

၁၇ သူ့လို့ရဲ့ စကားဟ ကင်ဆာလို့ ပျံ့နှံ့သွားလိမ့်မယ်။
အဲသူလို့ထဲတွင် ဟုမေနဲ့နဲ့ ဖိလက်လို့ ပါအယ်။

၁၈ သူ့လို့ဟ သမ္မာတရားလမ်းမှ လွဲသွားလျက် သေလွန်
သောသူလို့ဟ ဆင်ပြန်ထမြောက်ပီဟု ဆိုလျက် လူအချို့
လို့ရဲ့ ယုံကြည်ခြင်းဟို မှောက်လှန်တတ်ကြအယ်။

၁၉ အားပေမဲ့ ဘုရားသခင် ချထားလဲ့ အုတ်မြစ်ဟ ခိုင်ခံ့
လျက် ဆိပင်း အဲအုတ်မြစ်ပေါ်တွင် “ထာဝရဘုရားဟ
မိမိရဲ့ လူစုတော်အား သိအယ်” ဟူယွေ့ လည်းကောင်း၊
“သခင်ဘုရား ရဲ့ နာမ ဟို ခံ ရ သူ အပေါင်း လို့ ဟ မ
ကောင်းသော အမှုဟို ဆောင်ကြဉ်ရကြမယ်” ဟူယွေ့
လည်းကောင်း တံဆိပ်ခတ်နှိပ်ထားအယ်။

၂၀ ကြီးမားသော နေအိုင်နှိုက် ဆွေတန်ဆာ၊ ငွေတန်ဆာ
သာ ဆိတာ မဟုတ်၊ သစ်သားတန်ဆာနဲ့ မြေတန်ဆာ
လည်း ဆိအယ်၊ အသရေဆိသောတန်ဆာနဲ့ အသရေမ
ဆိသောတန်ဆာလည်း ဆိအယ်။

၂၁ အဲလိုမို့ အထက်ဆိုခဲ့ပင်းသော အကျင့်လို့ဟို ပယ်
ယွေ့ မိမိတတ်တိုင်း စင်ကြယ်စေသောသူဟ အသရေ
ဆိသော တန်ဆာ၊ သန့်ဆွင်းယွေ့ အိုင်ဆိုင် သုံးစရာ
ကောင်းသော တန်ဆာ၊ ကောင်းသော အမှုများအတွက်
ပြင်ဆင်သောတန်ဆာ ဖြစ်လိမ့်မယ်။

၂၂ အဲကျော့နဲ့ နင်ဟ အောန်နီလို့ရဲ့ တပ်မက်ခြင်းများ
ဟို ဆောင်ယွေ့ ဖြောင့်မတ်ခြင်း၊ ယုံကြည်ခြင်း၊ ချစ်ခြင်း
နဲ့ ငြိမ်သက်ခြင်းလို့ဟို စင်ကြယ်သော စိတ်နေလုံးဖြင့်

သခင်ဘုရားဟို ခေါ်သောသူလို့နဲ့ အသင့်အတင့်နေခြင်းလို့
ဟို မှီအောက်လိုက်လော့။

²³ အားပေမဲ့ ပညာမဲ့သော အငြင်းပွားမှုဟ ခိုက်ရန်
ဖြစ်ပွားစေတတ်တာဟု သိမှတ်လျက် ဆောင်ဆွားလော့။

²⁴ သခင်ဘုရားရဲ့ အစေခံဟ ခိုက်ရန် မဖြစ်ရ။ သူဟ
လူအပေါင်းလို့အပေါ် ဖြည်းညင်းသောသဘော ဆီယွေ့
သင်ကြားပေးနိန့်စွမ်းဆီသောသူ၊ မတရားသဖြင့် ခံရခြင်း
ဟို သည်းခံတတ်သောသူ ဖြစ်ပင်း

²⁵ မိမိအား ဆန့်ကျင်ဘက် ပြုသော သူလို့ဟို နူးညံ့
သိမ်မွေ့စွာ ဆုံးမတတ်သူ ဖြစ်ရမယ်၊ သူလို့ဟ နောင်တ
ရယွေ့ သမ္မာတရားအား သိဆီလာနိန့်ခွင့်ဟို ဘုရားသခင်
ဟ သူလို့အား ပေးကောင်းပေးလိမ့်မယ်။

²⁶ အဲအခါ သူလို့ဟ အမြင်မန်ရဆီလာပင်း မာရ်နတ်ရဲ့
ကျော့ကွင်းမှ လွတ်မြောက်ကြလိမ့်မယ်၊ မာရ်နတ်ဟ မိမိ
အလိုအတိုင်း လိုက်နာစေရန် သူလို့အား ဖမ်းဆီးထားခဲ့
အယ်။

3

နောက်ဆုံးသော ကာလ

¹ နောက်ဆုံးသော ကာလလို့နှိုက် ခဲယဉ်းသော အချိန်
ကာလများ ကျရောက်မယ်ဖြစ်ကျော့နိုး သိမှတ်လော့။

² အကျော့နိုးမှာ လူလို့ဟ မိမိတတ်တိုင်း ချစ်သောသူ၊
ပိတ်ဆန်ဟို တပ်မက်စွဲလန်းသောသူ၊ ဝါကြွေးသောသူ၊
မာနထောင်လွှားသောသူ၊ စော်ကားပြောဆိုသောသူ၊ မိဘ

စကားဟို နားမထောင်သောသူ၊ ကျေးဇူးမသိသောသူနဲ့ မသန့်ဆွတ်သောသူ၊

³ ကြင်နာ စိတ် ကင်း မဲ့ သော သူ၊ ရန်ငြိုးဖွဲ့သော သူ၊ ကုန်းတိုက်တတ်သော သူ၊ မိမိစိတ်ဟို မချုပ်တည်းနိုင်သောသူ၊ ကြမ်းကြုတ်သောသူ၊ ကောင်းသောအမှုဟို မုန်းသောသူ၊

⁴ သစ္စာဖောက်သော သူ၊ မဆင်မခြင် ပြုသော သူ၊ မောက်မာသောသူ၊ ဘုရားသခင်ဟို နှစ်သက်တာထက် ကာမဂုဏ်ခံစားခြင်းဟို သာယော့ နှစ်သက်သောသူ၊

⁵ ဘုရားဝတ်နှိုက် မွေ့လျော်ဟန်ဆီသော်လည်း ဘုရားဝတ်နှိုက် မွေ့လျော်ခြင်းရဲ့ တန်ခိုးဟို ငြင်းပယ်သောသူများ ဖြစ်ကြလိမ့်မယ်။ အဲသူလို့ဟို ဆောင်လော့။

⁶ သူလို့ထဲမှ အချို့လို့ဟ နေအိုင်များဟို မသိမသာဝင်ပင်းရင် တပ်မက်ခြင်း အမျိုးမျိုးရဲ့ သွေးဆောင်ရာဟို လိုက်ပါလျက် အပစ်ဟို ထပ်တလဲလဲ ပြုနေသော မိန်းမ မိုက်များဟို သိမ်းသွင်းကြအယ်၊

⁷ အဲမိန်းမလို့ဟ အမြဲသင်ယူနေကြသော်လည်း စလိုအခါမျှ သမ္မာတရားဟို မသိနိုင်ကြ။

⁸ ယနုနေနဲ့ ယံဗြေလို့ဟ မောရှေဟို ဆန့်ကျင်ခဲ့လဲ့တိုင်းတိုင်း အဲသူလို့ဟ သမ္မာတရားဟို ဆန့်ကျင်ကြအယ်၊ သူလို့ဟ စိတ်နေလုံး ပျက်စီးယိုယွင်းလျက် ယုံကြည်ခြင်း အရာနှိုက် ကျရှုံးသောသူများ ဖြစ်ကြအယ်။

⁹ အားပေမဲ့ သူလို့ရဲ့ အော်န်မြင်မှုဟ တာဆုည်ခံလိမ့်

မယ် မဟုတ်၊ ပစာကို ယနေ့နေ့ ယံမြေလို့ရဲ့ မိုက်မဲမှုလို့ သူလို့ရဲ့ မိုက်မဲမှုဟို လူအပေါင်းလို့ တွေ့ဆုံလာမယ် ဖြစ်သောကျောနဲ့ ဖြစ်အယ်။

နောက်ဆုံး ညွှန်ကြားချက်များ

¹⁰ အားပေမဲ့ နင်ဟ ငါရဲ့ သွန်သင်ချက်၊ အသက်ဆိုင်နေထိန်မှု၊ အကြံအစည်၊ ယုံကြည်ခြင်း၊ စိတ်ဆုတ်ခြင်း၊ ချစ်ခြင်းနဲ့ သည်းခံခြင်းလို့နှိုက် လည်းကောင်း၊

¹¹ အနှုတ်အုတ်မြို့၊ ကူကောနီမြို့နဲ့ လုတုတရမြို့လို့တွင် ငါ့အပေါ်ကျရောက်လဲ့ ညှဉ်းဆဲခြင်းနဲ့ ဒုက္ခဝေဒနာလို့နှိုက် လည်းကောင်း၊ ထက်ကြပ်မကွာ ပါဆဲခဲအယ်၊ အဲလိုမျိုး ညှဉ်းဆဲခြင်းများဟို ငါခံရသော်လည်း သခင်ဘုရားဟ အဲအရာအလုံးစုံလို့မူ ငါ့ဟို ကယ်နုတ်အယ်။

¹² အမန်စင်စစ် ခရစ်တော် ယေရှုအားဖြင့် ဘုရားဝတ်နှိုက် မွေ့လျော်စွာ အသက်ဆိုင်ရန် အလိုဆီသောသူ အားလုံးဟ ညှဉ်းဆဲခြင်းဟို ခံရလိမ့်မယ်။

¹³ ဆိုးညစ်သောသူလို့နဲ့ လှည့်စားသောသူလို့ဟ သူတပါးဟို လှည့်စားလျက် ကိုယ့်တတ်တိုင်းလည်း လှည့်စားခြင်းဟို ခံရလျက် ပိုယွေ့ ဆိုးရွားသောအဖြစ်ဟို ကျဆင်းသွားကြလိမ့်မယ်။

¹⁴ အားပေမဲ့ မိမိသင်ယူယွေ့ စွဲမြဲစွာ ယုံကြည်လဲ့ သစ္စာတရားများဟို စောင့်ထိန်းလော့၊ နင် စသူဆေမှ နည်းနာခဲခဲ့တာဟို နင်သိအယ်။

15 ခရစ်တော် ယေရှု ဟို ယုံကြည် ခြင်း အားဖြင့် ကယ်တင် ခြင်း ဟို ရောက် စေ လဲ့ ဉာဏ်ပညာ ဟို နှင့် အား ပေးနိုင်သော သန့်ဆွတ်သော သမ္မာကျမ်းစာနဲ့ နှင်ဟ လပဲ့အရွယ်ဟပင် ရင်းနှီးကျွမ်းဝင်ခဲ့တာဟို လည်းကောင်း နှင်သိအယ်။

16 ကျမ်းစာထဲနှိုက် ရေးထားသမျှလို့ဟ ဘုရားသခင် မှုတ်သွင်းသောအားဖြင့်* ဖြစ်ယွေ့ ဩဝါဒပေးခြင်း၊ အပစ်ဟို ဖော်ပြခြင်း၊ အမားဟို ပြုပြင်ခြင်းနဲ့ ဖြောင့်မတ် ခြင်းနှိုက် ဆုံးမဩဝါဒပေးခြင်းလို့အတွက် အကျိုးကျေးဇူးဆီအယ်။

17 ဟေအရာမှာ ဘုရားသခင်ရဲ့ လူဟ ကောင်းသောအမှု အမျိုးမျိုးအတွက် အသင့်ပြင်ဆင်ခြင်း ခံရလျက် ပြေဝ စုံလင်သောသူဖြစ်မဲ့အကျောက် ဖြစ်အယ်။

4

1 ငါဟ ဘုရားသခင်ရဲ့ ဆွေနှိုက် လည်းကောင်း၊ အသက်ဆိုင်သောသူလို့နဲ့ သေသောသူလို့ဟို စီရင်မဲ့ ခရစ်တော် ယေရှုရဲ့ ဆွေနှိုက် လည်းကောင်း၊ ကိုယ်တော်ရဲ့ ပေါ်ထွန်းခြင်းနဲ့ ကိုယ်တော်ရဲ့ နိုင်ငံတော်ဟို အကျောက်ပြုယွေ့ နှင့် အား အလေးအနက် တိုက်တွန်းတာဟ

2 နှုတ်ကပတ်တော်ဟို ဟောပြောလော့၊ အချိန်ဆီတာ ဖြစ်စေ၊ မဆီတာ ဖြစ်စေ၊ ကြိုးစားအားထုတ်လော့၊ အ

* 3:16 ကျမ်းစာထဲနှိုက် ရေးထားသမျှလို့ဟ ဘုရားသခင် မှုတ်သွင်းသောအားဖြင့်၊ အဲဟမဟုတ်ရင် ဘုရားသခင် မှုတ်သွင်းထားသော ကျမ်းစာချက်တိုင်းဟလည်း အသုံးဝင်အယ်။

ပစ်ဟို ဖော်ပြလော့၊ ဆုံးမခြင်းဟို ပြုလော့၊ ရမ်းဆာ့ဆည်
သောစိတ်နဲ့ သြဝါဒမျိုးဟို ပေးယွဲ့ တိုက်တွန်းနှိုးဆော်
လော့။

³ လူလို့ဟ မန်ကန်လဲ့ သြဝါဒဟို နားမထောင်ဘဲ ကိုယ့်
အလိုဆန္ဒများဟို လိုက်ယွဲ့ မိမိလို့ ကြားနာလိုလဲ့ စကား
များ ပြောဆိုမဲ့ ဆရာလို့ဟို ဆာဖွေကြမဲ့ အချိန်ကာလ
ရောက်လိမ့်မယ်။

⁴ သူလို့ဟ သမ္မာတရားဟို နားမထောင်ဘဲ ဒဏ္ဍာရီ
စကားများဟိုသာ နားထောင်ကြလိမ့်မယ်။

⁵ အားပေမဲ့ နင်ဟ အရာရာနှိုက် သမ္မာသတိ ဆီလော့၊
ဆင်းရဲဒုက္ခဟို သည်းခံလော့၊ ကောင်းမြတ်သော သတင်း
ဟောပြောသူ ပြုရမဲ့အမှုဟို ပြုလော့၊ ဘုရားသခင်ရဲ့
အစေခံအနေဖြင့် နင်ရဲ့ တာဝန်ဆီသမျှဟို ဆောင်ရွက်
လော့။

⁶ ငါဟ မိမိအသက်ဟို သွန်းလောင်းပူဇော်ရမဲ့အချိန် ကျ
ရောက်လေပီ၊ ဟေလောကမှ စွန့်ခွာရမဲ့အချိန် နီးကပ်လာ
ပီ။

⁷ ငါဟ ကောင်းသောတိုက်ပွဲဟို တိုက်ခဲ့ပီ၊ ပြေးရမဲ့
လမ်းဟို အဆုံးတိုင်အောင် ပြေးခဲ့ပီ၊ ယုံကြည်ခြင်းဟို
စောင့်ထိန်းခဲ့ပီ။*

⁸ အခုအခါတွင် ဖြောင့်မတ်ခြင်း သရဖူဟ ငါ့အတွက်
အသင့်ဆီနေအယ်၊ အဲနေ့နှိုက် ဖြောင့်မတ်လဲ့ တရားစီရင်
သူဖြစ်သော သခင်ဘုရားဟ အဲသရဖူဟို ငါ့အား ပေးလိမ့်

* 4:7 ယုံကြည်ခြင်းဟို စောင့်ထိန်းခဲ့ပီ၊ အဲဟာမဟုတ်ရင် ငါရဲ့ ကတိဟို
သစ္စာပြုအယ်။

မယ်၊ ငါ့ဟိုသာ မဟုတ်ဘဲ ကိုယ်တော်ရဲ့ ပေါ်ထွန်းခြင်းဟို လိုလားတောင့်တသူ အားလုံးလို့ဟိုလည်း ပေးလိမ့်မယ်။

ကိုယ်ရေးကိုယ်တာဆိုင်ရာ အမှာစကားများ

⁹ ငါ့ဆေဟို အလျင်အမြန်လာရန် ကြိုးစားလော။

¹⁰ ဒေမဟ ဟေလောကဟို စွဲလမ်းသဖြင့် ငါ့ဟို စွန့်ခွာ ယွေ့ သက်သာလောနိတ်မြို့ဟို ထွက်ခွာသွားလေပီ။ ကရ ကုကေဟ ဂလာတိပြေ လည်းကောင်း၊ တိတုဟ ဒါလမာ တိပြေဟို လည်းကောင်း သွားကြပီ။

¹¹ လုကာ တဦးတည်းသာ ငါနဲ့အတူ ဆီအယ်။ မာကုဟို နင်နဲ့အတူ ခေါ်ခဲ့လော့၊ ပစာကို သူဟ ငါ့ရဲ့ အလုပ်နှိုက် အသုံးဝင်သူ ဖြစ်သောကျောနဲ့ ဖြစ်အယ်။

¹² ငါဟ တုခိတ်အား ဖောက်မြို့ဟို စေလွှတ်လိုက်အယ်။

¹³ နင်လာသောအခါ တရောမြို့တွင် ကာပုလက်နှိုက် ငါအပ်ထားခဲ့လဲ့ ဝတ်လုံနဲ့ စာစောင်များ၊ အထူးသဖြင့် သားရေစာစောင်များဟို ယူခဲ့လော့။

¹⁴ ကြေးပန်းတိမ်သမား အလက်ဇနုဒြားဟ ငါ့ဟို ရ မ်းဆွဲ ဒုက္ခပေးခဲ့အယ်၊ သခင်ဘုရားဟ သူပြုသောအမှု အတိုင်း သူ့အား ဆပ်ပေးလိမ့်မယ်။

4:10 ကော ၄:၁၄; ဖိလေ ၂၄; ၂ ကော ၈:၂၃; ဂလာ ၂:၃; တိ ၁:၄ **4:11** ကော ၄:၁၄; ဖိလေ ၂၄; တ ၁၂:၁၂, ၂၅; ၁၃:၁၃; ၁၅:၃၇-၃၉; ကော ၄:၁၀; ဖိလေ ၂၄ **4:12** တ ၂၀:၄; ဧ ၆:၂၁, ၂၂; ကော ၄:၇, ၈ **4:13** တ ၂၀:၆ **4:14** ၁ တိ ၁:၂၀; ရော ၂:၆

15 နင်ဟလည်း သူ့တို့ သတိပြုလော့၊ ပစာကို သူဟ ငါ လို့ရဲ့ စကားကို ပြင်းထန်စွာ ဆန့်ကျင်သောကျောနဲ့ ဖြစ် အယ်။

16 ငါ့ရဲ့ အမှုအတွက် ပထမအကြိမ် ချေပပြောဆိုရာတွင် စသူမျှ ငါ့ဘက်နှိုက် မနောဘဲ အားလုံးဟ ငါ့တို့ စွန့်ပစ်ကြ အယ်။ အဲသူလို့ ဟေလိုပြုကြတာတို့ အဲသူလို့ရဲ့ အပစ် အား ဘုရားသခင် မှတ်တော်မမူပါစေနဲ့၊

17 အားပေမဲ့ သခင်ဘုရားဟ ငါနဲ့အတူ ဆီယွေ ငါ တို့ ခွန်အားနဲ့ ဖြေစုံစေသဖြင့် ငါဟ လူမျိုးခြားလို့အား နှုတ်ကပတ်တော်တို့ အကုန်အစင် ဟောပြောနိမ့်အယ်၊ ဟေလိုဖြင့် ငါဟ သေခြင်းမှ ကင်းလွတ်ခွင့်တို့လည်း ရ ဆီအယ်။

18 သခင်ဘုရားဟ မကောင်းသောအမှုအလုံးစုံလို့မှ ငါ တို့ ကယ်နုတ်ယွေ ခေါင်းခင်ဘုံနှိုက်ဆီသော မိမိရဲ့ နိုင်ငံတော်ထဲတို့ လုံခြုံစွာ ပို့ဆောင်လိမ့်မယ်။ အဲသခင် နှိုက် ကမ္ဘာအဆက်ဆက် ဘုန်းအသရေတော် ဆီမန့်စေ၊ အာမင်။

နောက်ဆုံး နှုတ်ဆက်စကားများ

19 ပြစ်ကိလနဲ့ အာကုလမှစယွေ ဩနေသိဖော်ရဲ့ အိုင် သူအိုင်သားတို့ နှုတ်ဆက်ပေးလော့။

20 ဧရတုတုဟ ကောရိန်မြို့နှိုက် နေရစ်အယ်၊ တရော ဖိမ်ဟ ဖျားနာသဖြင့် သူ့အား မိလက်မြို့တွင် ငါထားခဲ့

အယ်။

²¹ ဆောင်းကာလမတိုင်ခင် လာနိန်ရန် ကြိုးစားလော့။
ဥဗုလု၊ ပုဒေ၊ လိနနဲ့ ကလောဒိလို့မှစယွေ့ ညီအကို
အပေါင်းလို့ဟ နင့်ဟို နှုတ်ဆက်ကြအယ်။

²² သခင်ဘုရားဟ နင်ရဲ့ စိတ်ဝိညာဉ်နဲ့အတူ ဆိမန့်စေ။
နင်လို့အပေါင်းလို့ဟ ဘုရားသခင်ရဲ့ ကျေးဇူးတော်ဟို
ခံစားရမန့်စေ။

ဓမ္မသစ်ကျမ်း နေဘာသာစကား

Danu: ဓမ္မသစ်ကျမ်း နေဘာသာစကား (Bible)

copyright © The Word for the World International

Language: (Danu)

Contributor: The Word for the World International

နေ ဓမ္မသစ်ကျမ်း

The New Testament in Danu Language

The Word for the word

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 1 May 2025 from source files dated 1 May 2025

8aba2da5-2a35-5ff6-9d27-1e96563449b2